

開州志卷之二

建置志

自司空掌邦役與政教並列於周官而春秋一編新一廡必書築一城必書凡以建置之關於民事非可苟焉已也州故衛地千百年來經營創造典章具存以固藩籬則有墉塹以蒞衆庶則有廨宇以裕積儲則有倉庫以揆文教而奮武衛則有學校兵防他如壇廟驛鋪之規坊表橋梁之設凡諸興作孰非切於閭閻者因具列之俾後之牧斯土者以時修舉庶幾楚邱作室不獨擅美於前也志建置

城池

州城

舊志五代梁時李存審所建夾河爲柵

二城相直後晉天福三年自舊澶州移治夾河

熙寧十年南城圯於水獨守北城前方列而後

形如卧虎周二十四里明宏治十三年知州李嘉

祥增築高三丈五尺廣三丈門四池深一丈五尺

濶三丈嘉靖十三年知州孫巨鯨奉檄重修二十

五年知州李一元增修城舖八十四座城角建敵

樓四座以土坯不固易以陶甃州人晁璠有記隆

慶元年秋大水衝壞城西樓知州湯希閔重建萬

曆二十年城北樓壞知州張三聘重修州人朱爵

有記二十二年知州沈堯中重修以南門爲開德

東門爲濮陽西門爲繁陽北門爲鎮寧仍前張三聘所定也三十六年知州李之藻重修更西門曰昆吾崔景榮有記崇禎五年知州王直臣重修門樓增築牆垛

國朝順治七年大水城樓傾圯康熙五年六月地震七月大雨垛口坍塌舖舍角樓盡圯七年知州孫棨捐俸修葺城頭舖舍八十餘所雉堞千有餘奇嘉慶元年知州楊自強重修改濮陽門曰得勝昆吾門曰永安

廨署

知州署 在城西北隅大堂三楹額曰鎮寧有

臺有甬左右爲吏舍計三十楹前爲儀門三楹
右爲役舍八楹外大門三楹左右二坊東曰黜
遺都西曰澶淵舊郡前爲譙樓外爲照壁樓臺
聳儼然其瞻也堂後又有二堂三楹額曰敬事左
右室各三楹堂東側爲庫房三楹西側爲馬神祠
又西則廐在焉三堂之後三堂曰得雨三楹後又
有三楹皆州牧之宅也有庭有寢有廡舍東首有
軒曰雙榴南側有平臺最後曰披雲樓西偏則幕
寮之宇圉圉在儀門西偏而上神祠則儀門之東
而北云

卷之七 州署元大德元年刺史毋禮建九年刺史

張楨重修明天順成化宏治間知州李迪胡璟王
瑩李嘉祥皆相繼修葺嘉靖二年知州朱統重建
聽事堂曰鎮寧堂王崇慶有記後爲尊美堂又後
爲雙梧軒又後爲一鶴堂又後爲披雲樓萬厯二
十二年知州沈堯中改尊美堂爲素絲軒改開德
門爲大門署前開東南新街一道後開西北隅有
亭重爲修葺名曰超然自爲記崇禎九年知州陳
素改素絲軒爲二思堂堂之左爲夾道巡邏者列
屋焉我

朝順治九年知州朱國治重修內署建披雲閣後知

景文魁王撫民重修改內署門曰五馬門康

年知州林遜重修六年知州孫榮復脩葺大

日忠愛修宣化坊顏其西山語錄於上

其辭曰已以廉

民以仁存心以公蒞事以勤

復葺二堂顏曰不愧堂前創葺

軒內署建如水堂小憩軒葺披雲樓顏曰問青修

療鶴亭外築垣周圍袤一百五十餘丈高二丈覆

以瓦甃視舊較爲周密今鎮寧額如舊不愧堂則

改爲敬事其他隨時修改爲日既久闕畧難徵茲

將現在署舍列於前而以舊志所載附於後以備

攷云

現在州治儀門匾額款署太師魯國公書明嘉靖間將此二字勒石碑陰有記字已剝落

讀其斷文似以爲顏魯公書然魯公官平原與治無涉考宋史王德用封太師魯國公再判澶州當

爲德用所書無疑則州署之創建應在宋代待史書無考今祇從舊志所載者斷自元始

州同知署 在州署內西偏今廢

州判署 在呂邱店乾隆元年建大堂三楹左右爲
胥役舍四楹前爲二門一楹外大門一楹堂之後
有宅門一楹二堂三楹東偏書室三楹最後三楹
則州判內宅也

吏目署 在州署大門內東偏大堂三楹左右胥役
舍三楹前大門一楹堂之後屏門一楹二堂三楹
西偏書室二楹最後爲吏目內宅五楹又三楹爲
列舍云

守備署 在州署東北大堂三楹有軒有甬左右
丁舍四楹前爲二門一楹外大門三楹堂之

堂三楹又後三楹爲內宅

把總署 在守備署東

外委署 在井店

巡檢司

在州東六十里古定鎮

俗稱小濮州

今廢

課稅司

久廢不可考

察院

在州治東舊志明知州謝鳳修

國朝知州孫槩重修後圯卽其基改建廣裕倉

府館

在察院東舊志謝鳳修有甘澤碑記

行館

在州署迤東嘉慶十年知州李符清建

府捕廳

在州署西今廢

太僕分司

在州治西南卽濮陽舊署有太僕寺坊

今廢

陰陽學

在州十字街北迤東舊志明萬厯間湮沒

旣久知州謝鳳建閭禹錫有記今廢

僧正司

在州東南太平興國寺舊志明洪武十五

年立今廢

醫學

在州署十字街北迤東舊志歲久傾圯知州

沈堯中復建今廢

迎春館

在州東門外舊志明嘉靖間知州張寰立

迎春日於館內張設春宴

祖餞廳

在州北門外舊志明正德十年知州張樞

賢立

演武場 在太僕分司西舊志有亭有垣有旗

歲驚蟄霜降祭旗纛較射演武於此

養濟院 在州治東北巷舊志明景泰五年修嘉靖

中知州張寰萬厯中知州沈堯中重修內養額設

孤貧男婦一百四十名口每名口日給口糧銀一

分冬衣花布銀三錢七分八釐三毫四絲九忽在

地丁錢糧內動支又額外孤貧十七名口糧花布

係知州捐辦

留養局 一在東關地藏巷瓦房三楹一在北關三

官廟土棚三楹一在柳下屯西街草房二楹一在

慶祖集太山廟瓦房三楹一在井店集關帝廟瓦

房二楹收養貧民無定額每名日給粟米一升鹽菜燈油錢五文在生息銀內動支

漏澤園 舊志一在拱北門外一在清河鎮東街明州判李宏文捐資市地立石

倉儲

預備倉 舊志在州治東夾道外凡百五十楹明天啟中廢

存留倉 舊志在州治儀門西明嘉靖中改爲馬廐常平倉 畿輔通志在州治東久坑倉穀藏貯廣裕倉地基改建行館

永豐倉 在州治南今廢

北新倉

在北大街廩房三廩全廢

廣裕倉

在州治東南廩房座落三十七間貯常社

穀石

堡倉

舊志一在清河店一在柳下屯一在徐鎮一

在八公橋一在呂邱店一在井店明萬曆十九年知州張三聘增設白倉子岸慶祖文留四倉天啟四年歸併城中預備倉而諸堡倉皆廢

義倉

一在清河店一在柳下屯一在文留集一在

八公橋一在徐鎮集一在焦邱集一在子岸集一

在陳家樓一在蘇店集一在白倉集各廩房三廩

一在呂邱店瓦房四廩乾隆十四年建金鋪地

壇廟

文廟 在州治東大成殿五楹後尊經閣五楹有柏樹二十碑記二殿前東西廡各十五楹有柏樹三十八碑記三前爲戟門三楹戟門左右二門東曰金聲西曰玉振東柏樹十六碑記五西柏樹二十九碑記九又前爲櫺星門三楹東西角門二外各樹石坊東曰德參天地西曰道冠古今旁有下馬牌各一又前爲泮池有橋又前爲大門上有莫不尊親坊繚垣周焉

按舊志州學宮乃元大德元年州尹弭禮建中塑至聖像下爲木主百有九重葺者州尹張楨也

祐初厄於水四年監郡安坦不花重修六年復

於水至治二年同知張持敬修復之明洪武二十
五年知州文有禎永樂六年判官李珣徐顯相繼
重新正統中御史富好禮命郡倖王亨復加修葺
撰記者修撰劉矩也景泰中知州李廸以學宮狹
隘擴之包蓮花池及雞鳴山州人甘澤有展學地
記建尊經閣者知州李嘉祥宏治十三年落成高
三丈學宮向無泮池正德中州同潘埧始創築之
建橋門樹泮宮坊於儒學門外東爲義路西爲禮
門復於崇德報功門左右建儒林坊聖域坊自爲
文記之嘉靖九年知州孫巨鯨建敞一簷亭復立

啟聖祠二十一年知州尹耕重修之易戟門外東西坊曰博文約禮殿之東西坊曰仰高鑽堅王崇慶爲作鼎新儒學序四十四年知州湯希閔重修殿廡建魁星閣於大成門內榜曰龍頭隆慶四年知州潘雲祥建奎光閣於櫺星門巽隅植柏數百株於泮池左右學後築土峯環以楊柳萬厯四年知州王圻重葺十四年知州金應照修葺尊經閣及學宮州人王祺撰尊經閣碑二十二年知州沈堯中復修奎光閣培學後五峯四十一年知州趙琦州人王祺共建文筆峯四十二年知州周之模復同王祺共建奎閣天啟三年知州董象恒學正

大任復修飾之

國朝順治十一年知州景文魁新學官康熙二年知州
林遜七年知州孫榮重修大成殿啟聖祠櫺星門
並儒學坊牆垣雍正元年改啟聖祠爲崇聖祠乾隆
四年知州徐時作因殿宇傾圯遵

制易大成殿以琉璃瓦棟桷戶牖神座祭几概易良材
兩廡戟門櫺星門皆尋舊址而鼎新之修復崇聖
殿尊經閣及名宦鄉賢祠四圍垣牆易以磚石樹
牆下柳柏六百餘株徙泮池於櫺星門外建左右
石坊七年署知州毛振鵬繼修兩廡先賢神座五
十八年知州徐惇典修崇聖祠大成殿尊經閣兩

廡櫺星門及奎樓圍垣前加三尺後高五尺殿旁
創立兩門停典自有記嘉慶三年繼修者則知州
楊自強也

崇聖祠

在文廟東偏三楹太門三楹舊志明嘉靖

九年知州孫巨鯨建重修者詳見文廟不重載

名宦祠

在文廟戟門東三楹祀隋澶州刺史慕容紹

後梁澶州刺史王彥章後唐馬步軍都總管李存

審宋檢校太尉知澶州魏咸信判大名府萊國公

謚忠愍冠準檢校太師魯國公判澶州謚武恭王

德用簽書鎮寧軍判官程顥知開德府贈資政殿

學士王棣知澶州劉渙大中大夫知澶州韓琦